



სსიპ შოთა რუსთაველის საქართველოს მიწოდებული სამეცნიერო ფონდის  
გენერალური დირექტორის

ბრძანება № 50

ქ. თბილისი

30 აპრილი 2018 წ.

2018 წლის საფრანგეთის სამეცნიერო კვლევების ეროვნული ცენტრისა და სსიპ შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსის „საერთაშორისო სამეცნიერო თანამშრომლობის პროექტის“ (CNRS PICS) გამოცხადების, კონკურსის პროგრამისა და პირობების და საკონკურსო დოკუმენტაციის ფორმების დამტკიცების შესახებ


„საფრანგეთის სამეცნიერო კვლევების ეროვნული ცენტრისა და სსიპ შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსის „საერთაშორისო სამეცნიერო თანამშრომლობის პროექტის“ (CNRS PICS) დებულების დამტკიცების თაობაზე“ საქართველოს განათლებისა და მეცნიერების მინისტრის 2015 წლის 3 სექტემბრის N113/ნ ბრძანებით დამტკიცებული დებულების მე-3 მუხლის მე-3 პუნქტის „ა“ და „ბ“ ქვეპუნქტების, „საჯარო სამართლის იურიდიული პირის - შოთა რუსთაველის ეროვნული სამეცნიერო ფონდის დაფუძნებისა და მისი წესდების დამტკიცების შესახებ“ საქართველოს განათლებისა და მეცნიერების მინისტრის 2010 წლის 28 ივლისის N62/ნ ბრძანებით დამტკიცებული წესდების მე-5 მუხლის მე-2 პუნქტის „ე“ ქვეპუნქტის საფუძველზე და სსიპ - შოთა რუსთაველის საქართველოს ეროვნული სამეცნიერო ფონდის საერთაშორისო ურთიერთობებისა და ფონდების მოზიდვის სამსახურის უფროსის 2018 წლის 27 აპრილის სამსახურებრივი ბარათის (N483649) შესაბამისად

ვბრძანებ:

1. გამოცხადდეს 2018 წლის საფრანგეთის სამეცნიერო კვლევების ეროვნული ცენტრისა და სსიპ შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსი „საერთაშორისო სამეცნიერო თანამშრომლობის პროექტის“(CNRS PICS).
2. დამტკიცდეს 2018 წლის საფრანგეთის სამეცნიერო კვლევების ეროვნული ცენტრისა და სსიპ შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსის „საერთაშორისო სამეცნიერო თანამშრომლობის პროექტის“ (CNRS PICS) პროგრამა და პირობები ამ ბრძანების დანართი N1 -ის შესაბამისად;

3. დამტკიცდეს 2018 წლის საფრანგეთის სამეცნიერო კვლევების ეროვნული ცენტრისა და სსიპ შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსის პროექტის წარმომდგენი ფიზიკური პირებისა და საბაზო ორგანიზაციის ერთობლივი განცხადების ფორმა ამ ბრძანების დანართი N2-ის შესაბამისად;
4. დაევალოს სსიპ შოთა რუსთაველის ეროვნული სამეცნიერო ფონდის საზოგადოებასთან ურთიერთობის სამსახურს წინამდებარე ბრძანების განთავსება ფონდის ვებგვერდზე;
5. ბრძანება ძალაშია გამოქვეყნებისთანავე.
6. ბრძანება შეიძლება გასაჩივრდეს მისი ძალაში შესვლიდან ერთი თვის ვადაში თბილისის საქალაქო სასამართლოს აღმინისტრაციულ საქმეთა კოლეგიაში (მის: ქ. თბილისი, დ. აღმაშენებლის ხეივანი მე-12 კმ. №6).

მანანა მიქაბერიძე



სსიპ - შოთა რუსთაველის საქართველოს ეროვნული სამეცნიერო  
ფონდის გენერალური დირექტორის  
2018 წლის 30 აპრილის N50 ბრძანებით

საფრანგეთის სამეცნიერო კვლევების ეროვნული ცენტრისა და სსიპ - შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო საგრანტო კონკურსის „საერთაშორისო სამეცნიერო თანამშრომლობის პროექტის“ (CNRS PICS)  
პროგრამა და პირობები

## მუხლი 1. ზოგადი დებულებანი

1. საფრანგეთის სამეცნიერო კვლევების ეროვნული ცენტრისა და სსიპ - შოთა რუსთაველის საქართველოს ეროვნული სამეცნიერო ფონდის ერთობლივი სამეცნიერო გრანტების პროგრამის „საერთაშორისო სამეცნიერო თანამშრომლობის პროექტი“ (The International Scientific Cooperation Project – PICS) ფარგლებში გამოცხადებული საგრანტო კონკურსის მიზანია:  
 а) მეცნიერების სფეროში ორ ქვეყანას შორის თანამშრომლობის გაღრმავება – გაფართოება და ქართველ მეცნიერთა კვლევების დონის ამაღლება;  
 ბ) ახალგაზრდა მეცნიერთა ერთობლივ კვლევებში აქტიური ჩართვა და ევროპულ სამეცნიერო-კვლევით სივრცეში მათი ინტეგრაციის პროცესის ხელშეწყობა.
2. ეს დებულება აწესრიგებს გრანტის მისაღებად კონკურსის გამართვის, გრანტის გაცემისა და საგრანტო პროექტების (შემდგომში – პროექტი) შესრულების მონიტორინგის წესს.
3. კონკურსი ტარდება საქართველოს განათლებისა და მეცნიერების მინისტრის 2015 წლის 3 სექტემბრის №113/ნ ბრძანებით დამტკიცებული „საფრანგეთის სამეცნიერო კვლევების ეროვნული ცენტრისა და სსიპ - შოთა რუსთაველის ეროვნული სამეცნიერო საგრანტო კონკურსის „საერთაშორისო სამეცნიერო თანამშრომლობის პროექტის“ დებულებით და წინამდებარე ბრძანებით განსაზღვრული წესების შესაბამისად.

## მუხლი 2. საგრანტო კონკურსის ადმინისტრირება

1. კონკურსის ადმინისტრირებას უზრუნველყოფს ფონდი და CNRS. კონკურსი მოიცავს ორ ეტაპს:  
 а) პირველი ეტაპი – პროექტების შეფასება CNRS-ის მიერ;  
 ბ) მეორე ეტაპი – CNRS-ის მიერ დამტკიცებული ერთობლივი პროექტების, შეფასება ფონდის მიერ.
2. CNRS უზრუნველყოფს:  
 а) CNRS-ის ექსპერტთა შეფასების შედეგებზე დაყრდნობით პროექტების დამტკიცებას;  
 ბ) პროექტის მონაწილე ფრანგ მეცნიერთა ჯგუფის დაფინანსებას.  
 გ) ფონდისათვის ინფორმაციის მიწოდებას ერთობლივი პროექტების დამტკიცების შესახებ.
3. ფონდი უზრუნველყოფს:  
 а) კონკურსის წესების, საკონკურსო დოკუმენტაციის მიღების ვადების, საკონკურსო დოკუმენტაციის ნუსხისა და ფორმების და შესაბამის ფორმებთან დაკავშირებულ ინფორმაციაზე წვდომის საჯაროობას;  
 ბ) კონკურსის პროგრამის და პირობების და ანგარიშის ფორმების მომზადება/დამტკიცებას;

- გ) CNRS-ის ინფორმირებას კონკურსისთვის რეგისტრირებული პროექტის შესახებ;
- დ) CNRS-ის მიერ დამტკიცებული, ერთობლივი პროექტების შეფასებას ფონდის მიერ შერჩეული, დამოუკიდებელი ექსპერტებით დაკოპლექტებული საკონკურსო კომისიის მიერ და საბოლოო გადაწყვეტილების მიღებას ერთობლივი პროექტების თანადაფინანსების შესახებ;
- ე) დამტკიცებული ერთობლივი პროექტის მონაწილე საქართველოს მეცნიერთა ჯგუფის დაფინანსებას.

### **მუხლი 3. კონკურსში მონაწილეობა**

1. კონკურსში ერთობლივი პროექტის წარდგენა ხდება მეცნიერთა ორი ჯგუფის მიერ. ერთი ჯგუფი უნდა შედგებოდეს CNRS-ში ან მასთან ასოცირებულ ორგანიზაციებში/ლაბორატორიებში მომუშავე ფრანგი მკვლევარებისგან, ხოლო მეორე წარმოდგენილი უნდა იყოს საქართველოს სამეცნიერო-კვლევითი დაწესებულებებიდან/უნივერსიტეტებიდან. კონკურსის მთავარი პირობაა მონაწილე ფრანგ და საქართველოს მეცნიერთა ჯგუფებს შორის თანამშრომლობის გამოცდილება, მინიმუმ ერთი გამოქვეყნებული ერთობლივი სამეცნიერო პუბლიკაციის არსებობა.
2. კონკურსში მონაწილეობის მიღება შეუძლია საქართველოს მეცნიერთა ჯგუფს, რომელიც ჩართულია ერთობლივ კვლევებში CNRS-ში ან მასთან ასოცირებულ ორგანიზაციებში/ლაბორატორიებში მომუშავე ფრანგ კოლეგებთან და გამოქვეყნებული აქვთ ერთობლივი სამეცნიერო პუბლიკაცია(ები).
3. პროექტში მონაწილე საქართველოს და ფრანგ მეცნიერთა ჯგუფებს ჰყავთ შესაბამისი სამეცნიერო ხელმძღვანელები.
4. პროექტის მიხედვით დაგეგმილი კვლევის საქართველოში განსახორციელებელი ნაწილი სრულდება საბაზო ორგანიზაციაში.
5. საქართველოს მხრიდან პროექტში აუცილებლად უნდა იყოს გათვალისწინებული სულ მცირე ერთი ახალგაზრდა მეცნიერის – დოქტორის მონაწილეობა (დოქტორის აკადემიური ხარისხი დაცული უნდა ჰქონდეს კონკურსის გამოცხადებიდან ბოლო შვიდი წლის პერიოდში).

### **მუხლი 4. საკონკურსო პროექტების ფორმატი**

1. საკონკურსოდ წარმოდგენილი პროექტის ხანგრძლივობა უნდა იყოს 36 თვე.
2. ფონდიდან მოთხოვნილი საგრანტო დაფინანსება წელიწადში არ უნდა აღემატებოდეს 10 000 ევროს ეკვივალენტს ლარებში.
3. ფონდის მხრიდან პროექტის საგრანტო დაფინანსება ხორციელდება საგრანტო ხელშეკრულებით გათვალისწინებული ტრანშების სახით. გრანტის თანხები გადაირიცხება საგრანტო ანგარიშებზე. ტრანშების მოცულობა იგეგმება საანგარიშო პერიოდში პროექტში განსახორციელებელი საქმიანობის მიხედვით.
4. გრანტი შეიძლება გამოყენებულ იქნეს ბიუჯეტის შემდეგი კატეგორიებისთვის: პარტნიორ ქვეყანაში მივლინება (სამოგზაურო ხარჯი), სემინარების და სამუშაო შეხვედრების ჩატარების ხარჯი, კვლევასთან დაკავშირებული სხვა ხარჯი. „სხვა ხარჯის“ კატეგორიაში მოთხოვნილი თანხა არ უნდა აღემატებოდეს ფონდიდან მოთხოვნილი თანხის 50% -ს.
5. ფონდის მხრიდან პირველი ტრანში, ავანსის სახით, გაიცემა საგრანტო ხელშეკრულების გაფორმების შემდეგ. მომდევნო ტრანში – წინა ტრანშით გათვალისწინებული შედეგების შესრულების შესახებ ფონდში წარმოდგენილი ანგარიშების განხილვის საფუძველზე. ბოლო

ტრანშის 10% გაიცემა პროექტის საბოლოო ანგარიშგებისა და ფონდის მხრიდან დადებითი დასკვნის აქტის (ფინანსური და პროგრამული მონიტორინგის ანგარიშების) გაცემის შემდგომ.

## მუხლი 5. კონკურსის ეტაპები

კონკურსის ძირითადი ეტაპებია:

- ა) კონკურსის გამოცხადება;
- ბ) პროექტების ფონდში წარდგენა ელექტრონული სახით კომპაქტდისკზე (CD-R), კონკურსში მონაწილეობის შესახებ განცხადებასთან ერთად;
- გ) შემოსული პროექტების წინასწარი შერჩევა კონკურსის პირობებთან და მოთხოვნებთან შესაბამისობის დადგენის მიზნით;
- დ) CNRS-ის მიერ დამტკიცებული ერთობლივი პროექტების სიის მოწოდების შემდეგ პროექტების შეფასება საკონკურსო კომისიის მეშვეობით;
- ე) ფონდის საკონკურსო კომისიის რანჟირებული სიის გათვალისწინებით CNRS-ის მიერ დამტკიცებული ერთობლივი პროექტების მონაწილე საქართველოს მეცნიერთა ჯგუფების ფონდის მიერ თანადაფინანსების შესახებ გადაწყვეტილების მიღება;
- ვ) დასაფინანსებლად შერჩეული ერთობლივი პროექტების საქართველოს მეცნიერთა ჯგუფის წევრებთან საგრანტო ხელშეკრულებების გაფორმება.

## მუხლი 6. საკონკურსო დოკუმენტაციის წარდგენა

1. პროექტის საქართველოს მეცნიერთა ჯგუფის ხელმძღვანელი ფონდში წარადგენს CNRS-ის ელექტრონული რეგისტრაციის სისტემაში დარეგისტრირებულ საპროექტო განაცხადს და მის ინგლისურ თარგმანს, რომელიც ხელმოწერილი უნდა იყოს ფრანგ და საქართველოს მეცნიერთა ჯგუფის ხელმძღვანელების მიერ.
2. ფონდის კანცელარიაში საპროექტო განაცხადის წარდგენა ხდება ელექტრონული სახით კომპაქტდისკზე (CD-R).
3. ფონდში ასევე წარმოდგენილი უნდა იქნეს “პროექტის წარმომდგენი ფიზიკური პირებისა და საბაზო ორგანიზაციის ერთობლივი განცხადება” (დანართი 2).
4. ფონდში დოკუმენტაციის წარდგენა შესაძლებელია 2018 წლის 15 ივნისის 17:00 საათამდე. მითითებული ვადის დარღვევით შემოსული დოკუმენტაცია საკონკურსოდ არ განიხილება.
5. CNRS-ში ერთობლივი საპროექტო განაცხადის წარდგენა ხდება ფრანგ მეცნიერთა ჯგუფის ხელმძღვანელის მიერ, CNRS-ის ელექტრონული რეგისტრაციის სისტემის საშუალებით.

## მუხლი 7. პროექტების შეფასება

1. პროექტის შეფასება ხორციელდება ორ ეტაპად. შეფასების პირველ ეტაპზე პროექტებს აფასებს CNRS შესაბამისი დარგობრივი ინსტიტუტის დახმარებით.
2. შეფასების მეორე ეტაპზე ფონდის გენერალური დირექტორის მიერ შექმნილი საკონკურსო კომისია აფასებს CNRS-ის მიერ გამარჯვებულად გამოვლენილ ერთობლივ პროექტებს, გამოავლენს გამარჯვებულს და იღებს გადაწყვეტილებას ერთობლივი პროექტების თანადაფინანსების მოცულობასთან დაკავშირებით.
3. პროექტის მონაწილეთა მიერ მოთხოვნის შემთხვევაში საკუთარი პროექტის საკონკურსო კომისიის შეფასებასთან დაკავშირებული ინფორმაციის გაცნობას უზრუნველყოფს ფონდი.

4. ფონდი უფლებამოსილია, პროექტის მიმდინარეობის ნებისმიერ ეტაპზე, ასევე პროექტის დასრულებიდან 3 წლის მანძილზე, პროექტთან დაკავშირებული ნებისმიერი ანგარიში, დოკუმენტაცია და პროექტის შედეგები დაუქვემდებაროს დამოუკიდებელ სამეცნიერო ექსპერტიზას.

#### მუხლი 8. ინტერესთა კონფლიქტი

ინტერესთა კონფლიქტი რეგულირდება საქართველო განათლებისა და მეცნიერების 2015 წლის 3 სექტემბრის N113/ნ ბრძანების მე-9 მუხლით.

#### მუხლი 9. საგრანტო ხელშეკრულება

საგრანტო ხელშეკრულება რეგულირდება საქართველო განათლებისა და მეცნიერების 2015 წლის 3 სექტემბრის N113/ნ ბრძანების მე-10 მუხლით.

#### მუხლი 10. საგრანტო პროექტის შესრულების მონიტორინგი

1. საგრანტო ხელშეკრულებით გათვალისწინებულ ტრანშებს ფონდი რიცხავს ავანსის სახით და ყოველი საანგარიშო პერიოდის (12 თვე) ბოლოს ახორციელებს დაფინანსებული პროექტების მონიტორინგს, რომელიც მოიცავს პროექტის განხორციელების ფინანსურ და პროგრამულ მონიტორინგს.
2. ფინანსური მონიტორინგი გულისხმობს საგრანტო ხელშეკრულების ფარგლებში ფონდის მიერ გადარიცხული თანხების ხარჯვის შესაბამისობის დადგენას ამავე ხელშეკრულებით გათვალისწინებულ ხარჯთაღრიცხვასთან.
3. პროგრამული მონიტორინგი ხორციელდება საქართველოდან პროექტის სამეცნიერო ხელმძღვანელის ანგარიშის საფუძველზე. საჭიროების შემთხვევაში ფონდმა შეიძლება მოითხოვოს ინფორმაცია წერილობითი სახით პროექტის მონაწილე საფრანგეთის ჯგუფის ხელმძღვანელისგან.
4. გრანტის მიმღები ვალდებულია ფონდთან ანგარიშება აწარმოოს გენერალური დირექტორის მიერ დამტკიცებული ფორმების შესაბამისად.
5. პროექტში მონაწილე საქართველოს მეცნიერთა ჯგუფის ფონდის მხრიდან თანადაფინანსების შეჩერება ან/და შეწყვეტა ხორციელდება საგრანტო ხელშეკრულების შესაბამისად.
6. საგრანტო დაფინანსების შეწყვეტის შემთხვევაში პროექტის ფარგლებში ფონდის დაფინანსებით შეძენილი ქონება გადაეცემა ფონდს საკუთრებაში.
7. საგრანტო პროექტი ჩაითვლება დასრულებულად, თუ საგრანტო პროექტის ფარგლებში ავანსად გადარიცხულ ყველა ტრანშზე, პროექტის დახურვის მომენტში წარმოდგენილია შუალედური და საბოლოო ანგარიშები და პროექტი არ არის შეჩერებული ან შეწყვეტილი.

სსიპ - შოთა რუსთაველის საქართველოს ეროვნული სამეცნიერო

ფონდის გენერალური დირექტორის

2018 წლის 30 აპრილის N50 ბრძანებით

საფრანგეთის სამეცნიერო კვლევების ეროვნული ცენტრისა (CNRS) და სსიპ შოთა რუსთაველის საქართველოს

ეროვნული სამეცნიერო ფონდის ერთობლივი სამეცნიერო გრანტების 2018 წლის კონკურსი

პროექტის წარმომდგენი ფიზიკური პირებისა და საბაზო ორგანიზაციის ერთობლივი  
განცხადება

წარმოგიდგენთ რა ინფორმაციას საკონკურსო პროექტის შესახებ, ვადასტურებთ, რომ გავეცანით საფრანგეთის სამეცნიერო კვლევების ეროვნული ცენტრის (CNRS) პროგრამაში „საერთაშორისო სამეცნიერო თანამშრომლობის პროექტი“ (PICS) საქართველოს მეცნიერთა მონაწილეობის სსიპ – შოთა რუსთაველის საქართველოს ეროვნული სამეცნიერო ფონდის მიერ მხარდაჭერის პირობებს და ჩვენი ხელმოწერით ვაცხადებთ თანხმობას აღნიშნულ პირობებზე. ასევე ვადასტურებთ, რომ ჩვენ მიერ ფონდში ელექტრონული სახით კომპაქტდისკზე (CD-R) წარმოდგენილი ინფორმაცია ზუსტია და არ შეიცავს ყალბ მონაცემებს. ამასთან, საბაზო ორგანიზაციების ხელმძღვანელი ვადასტურებ პროექტის განხორციელებისათვის საჭირო მატერიალურ-ტექნიკური ბაზის არსებობას. ვაცნობიერებთ, რომ ფონდი უფლებამოსილია, ნებისმიერ დროს გადაამოწმოს მოწოდებული ინფორმაციის სიზუსტე და რაიმე სიყალბის აღმოჩენის შემთხვევაში მოხსნას წარმოდგენილი პროექტი კონკურსიდან.

გთხოვთ, დაარეგისტრიროთ ჩვენი პროექტი.

1. პროექტის სახელწოდება: \_\_\_\_\_

2. პროექტის საერთო ბიუჯეტი (ევროში): \_\_\_\_\_

მათ შორის:

ფონდიდან მოთხოვნილი თანხა (ევროში): \_\_\_\_\_

3. პროექტის ხანგრძლივობა (თვეები): \_\_\_\_\_

4. პროექტის წარმომდგენი:

ა)

საბაზო ორგანიზაციის სახელწოდება	ორგანიზაციის იურიდიული სტატუსი	საბაზო ორგანიზაციის ხელმძღვანელის გვარი, სახელი	ხელმოწერა

ბეჭედი:

ბ)

	პროექტში მონაწილე საქართველოს მეცნიერთა ჯგუფის წევრები (გვარი, სახელი)	როლი პროექტში	ხელმოწერა
1.		სამეცნიერო ხელმძღვანელი	
2.			
3.			